

2019

AÑA DI FAMILIA
Y DI CUIDO DI NOS
MUCHANAN

ISLA(•)NLINE

Diamars 9 April 2019

Email: prensa@arubagovernment.aw Tel: 528-4900

CU PERSEVERANCIA
PA NOS ISLA



GOBIERNO DI ARUBA



Isla Online
Noticia Di Gobierno


MINISTER EVELYN WEVER-CROES
Prome Minister di Aruba

MINISTER HULANDES IMPRESIONA CU GOBIERNO DI ARUBA

Dialuna, Prome Minister Evelyn Wever Croes hunto cu Minister Xiomara Ruiz-Maduro a ricibi bishita di e Minister encarga cu Asuntonan Interior di Reino, señora Kajsá Ollongren, hunto cu Secretario di Reino señor Raymond Knops. Esaki ta e prome bishita na Aruba di Minister Ollongren cua tawata un bishita hopi cortico cumpliendo asina cu su bishita pa cera conoci cu nos Gobierno.

Tawata reunionnan hopi varia cu topiconan actual na unda e duna Minister Ollongren un splicacion amplio di e situacion financiero di Aruba y con Gabinete Wever-Croes desde prome dia a cuminsa traha den tur retonan encontra pa asina den un aña y mei, a realisa logronan grandi pa nos pais. Gobierno a cuminsa traha cuminsando riba su propio plan financiero. A base di e plan aki, Gabinete Wever-Croes ta sacando Aruba poco poco for di e abismo financiero causa door di e Gobierno anterior. Un tema cu sigur a trece satisfaccion cerca Minister Ollongren tawata tocante e evaluacion positivo di IMF.

Prome Minister Evelyn Wever-Croes a duna di conoce cu e dia a bay cu bon reunionnan y Gobierno y Hulanda ta fortificando lasonan mas ainda cu e reunionnan aki. Minister Ollongren tawata hopi positivo y hopi impresiona con Gabinete Wever-Croes ta trahando pa asina poco poco pero sigur hiba nos pais padilanti na mes momento ganando confianza bek.



Publicacion **IMF**:
www.imf.org
 Dialuna april 1, 2019

Aruba ta riba e bon caminda !

● **IMF TIN CONFIANSA**
DEN ARUBA

● **IMF TA PREMIRA CRECEMENTO**
ECONOMICO MAS GRANDI
CU A WORDO PREMIRA

● **DEN 'CONCLUDING STATEMENT'**
DI IMF

2017

GROWTH
IS
WEAK

2019

OUTLOOK IS
BROADLY
POSITIVE

Prome Minister Evelyn Wever-Croes:

GOBIERNO DI ARUBA TA LANSA UN PROYECTO PILOTO PA EDUCACION SIMAN AKI

Cu e proyecto aki, lo pone innovacion den educacion central

E siman aki a habri cu un ambiente sumamente positivo cuminsando cu e bishita di e Minister di Asuntonan Interior di Reino Kajsá Ollongren kende tawata hopi positivo y hopi impresiona con Gabinete Wever-Croes ta trahando pa asina poco poco pero sigur hiba nos pais padilanti na mes momento ganando confianza bek.

E siman aki, den colaboracion cu Minister di Enseñansa, Armando Lampe, Gabinete Wever-Croes ta lansa un proyecto piloto innovativo den educacion primario pa stimula e 21Century Skills for di un edad hoben caba. Gobierno lo traha cu e eLearning Pilot Project den colaboracion cu e Scol Básico Cacique Macuarima y Scol Preparatorio Atarima, na unda lo desaroya un programa di innovacion den un manera nobo y unico. E eLearning Pilot Project lo cuminsa den e aña escolar nobo.

Prome Minister Evelyn Wever-Croes a duna di conoce cu e proyecto aki a nace danki na un comision di mayor sumamente activo kendenan a haci gran parti di un sondeo pa loke e scolnan mester pa eleva e lesnan y siña e muchanan e habilidadnan nobo aki y duna e maestronan e hermentnan y recursonan cu nan tin mester pa ehecuta e

cambio aki.

E comision di mayor, cu ayudo di maestronan, door di recaudacion di fondo, ya caba a logra invirti mas di 50 mil florin den e infraestructura basico di e scol cu ta necesario pa haci e proyecto aki posibel. Prome Minister ta aplaudi e iniciativa di e comision di mayor y ta gradici nan pa tur esfuerço cu nan ta haciendo.

Un inversion grandi asina di educacion, Prome Minister ta indica, no por bin solamente di comision di mayor y maestronan so. Mas ainda si ta trata di innovacion den enseñansa cu ta un prioridad pa Gabinete Wever-Croes. Den e proximo lunanan, Gobierno lo haci un inversacion di mas di 250 mil florin den smartboards den tur lokaal di les y tambe den mas di 25 computer pa e sala di computer. Tambe e inversion lo cubri 'Virtue Reality Goggles' pa duna cierto lesnan den un forma mas interactivo y lo ofrece mas les di STEM (Science, Technology, Engineering, y Mathematics) tambe. Esaki ta den e cuadro di e maneho di educacion delineado den e Plan di Educacion Nacional cu recientemente Minister Lampe a presenta. Pa segura cu tur ekipo keda mas duradero, lo pone airco

den tur lokaal di les pa duna sostenibilidad necesario cu lo yuda tambe pa muchanan haya les den un ambiente mas confortable den temporada di calor.

Prome Minister a enfatisa cu esaki no ta solamente un inversion den ekipo sino tambe e ekipo di innovacion di Gobierno di Aruba lo traha hunto cu e scol y cu comision di mayor, cu e ekipo di ministerio di educacion, cu stakeholders di e Plan di Educacion Nacional, entre otro Departamento di Enseñansa y Schoolbestuur. Meta ta pa pone e obhetivonan di e Plan di Educacion Nacional den accion y crea un modelo di evualacion pa cu e eLearning Pilot Project. Di e manera aki, por siña di e proyecto piloto aki y aplica esaki den otro proyectonan na otro scolnan. Cu e proyecto aki, lo pone innovacion den educacion central.

Prome Minister ta haci un apelacion na tur comision di mayor cu tin ideanan innovativo y cu ya caba a haci sondeonan pa proyectonan, pa nan comparti nan ideanan. Gobierno di Aruba sigur lo tene tur idea y recomendacion den consideracion den e proceso di implementacion di e Plan Educacion Nacional.

Contrario na Gobierno anterior:

GABINETE WEVER-CROES TA INVERTI DEN INNOVACION PA MEHORA EDUCACION

E siman aki talansa e eLearning Pilot Project

Gabinete Wever-Croes, cumpliendo cu innovacion den educacion, ta lansa e siman aki un proyecto innovativo pa prepara nos hobennan miho pa futuro. E Proyecto di eLearning Pilot Project ta fungi tambe como un acelerador pa implementacion di e Sustainable Development Goals (SDGs) di Nacionnan Uni. Den esaki lo mehora enseñansa, stimula innovacion y traha den forma di colaboracion. Cu e proyecto aki, lo pone innovacion den educacion central y cuminsa evalua na un manera practico e resultado di e inversion den e programa piloto aki. E eLearning Pilot Project lo cuminsa den e aña escolar nobo.


Prome Minister a enfatisa cu e Gobierno anterior durante hopi aña a negligia inversion den educacion. Mayora scol ni sikiera tin computer. Y hopi cu si tin

computer, nan no ta traha bon. Tin scol cu ta duna les di computer solamente den teoria pa motibo di falta di computer of computer cu no ta funciona. Pa Gabinete Wever-Croes, esaki den un era di innovacion, no ta cuadra cu e direccion cu Gobierno aki kier hiba educacion. Cu e eLearning Pilot Project, Gobierno di Aruba ta drecha e situacion aki y ta duna elevacion na educacion y prepara nos muchanan pa trabounan di futuro. Di e manera aki tambe, nos ta duna nos maestronan e oportunidad pa haya mas conocimiento di e materianan nobo unda cu tin mester.

"Gobierno aki ta haci loke e ta bisa. Desde comienzo di gobernacion, Gabinete Wever-Croes a comparti su vision pa pone e ser humano central. Den un mundo cu ta cambiando asina lihe, na unda cu mayoría

di trabounan cu nos muchanan lo ocupa den futuro no ta ni existi ainda, nos mester tuma accion awo. Y asina e Gobierno aki ta tuma accion. Tin cu ta wordo tuma den stapnan grandi, y otronan den stapnan chikito. Mi deseo tawata ta cu nos por a logra esaki pa henter Aruba den un solo biaha. Pero e realidad ta cu nos mester haci esaki den fase".

Hunto nos por haci y logra hopi. Inversion y innovacion den enseñansa ta tarea di cada ciudadano. Nos muchanan ta esnan cu mester carga nos pais e dia di mañan, y cada un di nos tin un compomiso cu nan. E siman aki, nos ta lansa e Proyecto na e scolnan na Macuarima y asina aki pone un paso mas cerca di hiba nos muchanan den futuro cu tanto nan merece.


MINISTER OTMAR ODUBER
Minister di Desaroyo Teritorial, Infraestructura y Medio Ambiente

“RECAP DI SIMAN” DI MINISTERIO DI DESAROYO TERITORIAL, INFRASTRUCTURA Y MEDIO AMBIENTE 1 April te cu 7 di April 2019



- International Monetary Fund (IMF) a publica e conclusion di nan evaluacion di Aruba su situacion financiero economico 2019.

Durante di e ultimo dos simannan, delegacion di IMF tabata na Aruba y a hiba combersacion cu diferente sector. Cada dos aña IMF ta haci un evaluacion di e situacion economico financiero di nos Pais, e asina yama “article 4 mission”. Recientemente nan a publica e conclusion di nan bishita cu ta proyecta un crecimiento mas cu Gobierno mes a premira. Gobierno a premira un crecimiento di 1% nominal y IMF ta premira crecimiento di 2.4 % nominal cual ta noticia sumamente positivo.

- Diamars 2 di April tabata Dia Mundial di Conscientisacion di Autismo, en conexon cu esaki tur Minister di Gabinete Wever-Croes y trahadonan di Consejo di Minister a bisti na blauw. Esaki ta pa duna reconocimiento na ensan cu ta bibando cu autismo y lanta conscientisacion riba e importancia pa brinda miho oportunidadnan na nos hendenan special. Na e ocasion a cende luznan blauw pafo di Bestuurskantoor como muestra si solidaridad, sosten y aceptacion na personanan cu autismo

- Un preocupacion enorme cu a surgi den comunidad y cerca maestronan a wordo resolvi. Diamars Team di Bureau City Inspector, InfrAruba, Polis y cu cooperacion di e doño di bus a percura pa kita un bus bandona for di riba tereno cerca

di scol San Antonio. E bus tabata causando un molester banda di scol pa motibo cu a constata cu hobennan tabata freceuenta esaki pa haci uzo si substancianan ilegal y actonan inapropia. Departamentonan di Infra a percura pa actua dibiaha pa resolve e situacion aki

- Diahuebs a inicia e BID walk pa remediacion di Parkietenbos.

Pais Aruba ta confronta pa varios aña caba, cu problema serio pa locual ta maneho di desperdicio cu ta tuma luga den forma irresponsabel, poniendo salud di nos ciudadano na peligro. Varios compania internacional y local ta participando y durante e dos dia nan a ricibi recorrido y presentacion pa percura cu nan tin tur informacion necesario di locual cu nan mester tene cuenta cune. Cada compania lo mester manda nan proposicion pa Gobierno di Aruba pa e remediacion y alocacion di Parkietenbos.

- Actualmente ta canando dos diferente trayecto pa locual ta infraestructura. (1) construccion di caminda nobo y (2) mantencion y renobacion di camindnan existente.

E siman aki a tuma luga construccion di caminda di asphalt na Hooiberg, un barrio cu pa hopi tempo tabata sufrir di molester di stof awor por bisa ayo na e problema aki. E trabounan ta sigui tur siman y e team di DOW ta trahando den barionan rond Aruba. Mester menciona cu e siman cu a pasa trabounan di preparacion a inicia den vecindario di Roncado y Paradera. Habitantenan den e becindarionan aki tambe pronto por bisa ayo na e stof cu pa hopi aña tabata causa molester.

Esaki tabata tur informacion pa e “Recap di Siman” di Ministerio di Desaroyo Teritorial y Medio Ambiente.



Un caminda cu pa añas no a ricibi atencion, awor lo haya asfalt nobo


TRABOU DI RENOBACION A INICIA RIBA CAMINDA PRINCIPAL DI SANTA CRUZ

Dialuna anochi Minister encarga cu Infraestructura sr. Otmar Oduber conhuntamente cu Prome Minister sra. Evelyn Wever – Croes y director di DOW sr. Marlon Croes a anuncia inicio di trabounan grandi tumando luga riba caminda principal di Santa Cruz! A cuminsa cuminsa raspa e caminda pa renoba e esaki y pone capa di asfalt nobo, ta trata un di e camindanan na Aruba cu pa hopi aña no tabata inclui den plannan di mantencion.

E prome fase di renobacion y mantencion di e caminda ta for di e rotonde di Santa Cruz te cu Wema Santa Cruz. Minister Oduber a indica cu e trabounan lo ta tumando luga anochi cual ta un manejo nobo cu a introduci teniendo consideracion y reduciendo e posibel molester cu e trabounan lo por causa pa esnan cu mas ta haci uzo di e caminda.

E caminda aki ya pa hopi aña ta den mal estado y tabata mester un mantencion, awor comunidad por mira cu fondo pa drecha nos camindanan realmente ta wordo utiliza pa cumpli cu e necesidad cu tin den comunidad.





MINISTER XIOMARA RUIZ-MADURO

Minister di Finansa, Asuntonan Economico y Cultura

MINISTER DI FINANSA, ASUNTONAN ECONOMICO Y CULTURA TA ATENDE SPRING MEETING DI GRUPO DI BANCONAN MUNDIAL Y FONDO MONETARIO INTERNACIONAL



Minister Xiomara Ruiz-Maduro lo atende e di 75 Spring Meeting organisa pa Grupo di Banconan Mundial (WBG) y Fondo Monetario Internacional (IMF) diana 9 pa 14 di april proximo na Washington D.C.

Na e Spring Meeting aki ta participa mas cu 2800 delegado di paisnan cu ta miembro. Entre otro ehecutivo di banco, minister di finansa y desaroyo, parlamentario y ehecutivo di sector priva, academico y periodista pa discuti problemanan na interes mundial, perspectivaneconomico mundial, eradicacion di pobresa, desaroyo economico y e efectividad di yudansa.

E mandatario lo participa na varios seminario, reunion informativo regional y hopi otro evento durante cual lo analisa y discuti varios temanan riba nivel di economia mundial, desaroyo internacional y sistema financiero mundial.

Ta importante pa Aruba restablece e confianza den e mundo financiero y pa esaki mester keda den contacto cu instancianan cu ta evalua nos sistema financiero y economico, manera IMF, Standard & Poor y Fitch. Cu e meta aki Minister Ruiz-Maduro ta mantene e contacto y haci e biahenan aki di trabou na bienestar di Pais Aruba.

DIA DI REY 2019

Diasabra 27 di april nos ta celebra un bes mas Dia di Rey, dia di cumpleaños di S.M. Rey Willem Alexander.

Pa hopi aña e celebracion di cumpleaños di Reina y actualmente di Rey den nos comunidad ta conoci cu actividadnan cultural, weganan popular y eventonan deportivo.

E celebracion conoce tambe su eventonan oficial manera entrega di condecoracion real na ciudadanonan door di Gobernador di Aruba y e ceremonia protocolar den Wilhelmina Park. Aki por conta cu presencia di miembronan di Marina Real y gruponan hubenil uniforma di scouting.

Ta un tradicion cu Presidente di Parlamento ta expresa palabranan di felicitacion na ocasion di cumpleaños di Su Mahestad na nomber di comunidad Arubano.

Desde 1992 ta entrega tambe e Copa Hubenil Gobernador Felipe B. Tromp na un hoben of grupo hubenil cu a destaca durante e ultimo aña. E ganado sea individual of grupo lo mester a destaca durante e ultimo aña riba tereno social, cultural of deportivo pa bini na remarca pa e premio. E edad pa ser nomina ta di seis pa binti aña. E lidernan di un grupo por ta adulto, pero pa e premio ta considera e miembronan hubenil.

Na aña 2018 e premio a bay pa e rumannan Chiara y Sophia Petrocchi pa nan dedicacion y logronan den e deporte di Taekwondo y Judo.

Tambe e comision ta otorga dos premio di estimulo.

E celebracion den Wilhelmina Park ta ser coordina pa Comision Celebracion Dianan Nacional y Comision Copa Hubenil Gobernador Felipe B. Tromp.



Minister Xiomara Ruiz -Maduro:

GOBIERNO TA 'FREEZE' SUBIDA DEN PRIJS DI GASOLIN PA E LUNA DI APRIL

Ta bay yega na un otro sistema pa calcula prijs di producto petrolero

Durante e Conferencia di Prensa semanal di Gobierno, Minister Xiomara a papia tocante di prijs di productonan petrolero y den e caso aki riba prijs di gasolin. Manera ta un custumber cada dos siman di luna Departamento di Asuntonan Economico (DEACI) ta anuncia bahada of subida den prijs di gasolin. DEACI ta usa e sistema di calculacion di Platts, cual ta promedio pa luna di locual ta bende producto petrolero riba mercado internacional.


Manera priminti Gobierno kier a cambia e formato di calcula e prijs di productonan petrolero y yega na un formato mas structural. Pa logra esaki Gobierno a reuni cu Refineria di Aruba (RDA), cu ta un compania di Gobierno, pa hunto contempla un otro manera pa haci e calculo di prijsnan pa producto petrolero haciendo uso di e prijs di compra di productonan petrolero como punto di salida, hunto cu e reserva di producto cu RDA ta almanece.

Minister Ruiz-Maduro a anuncia cu RDA ta bay absorba locual ta e subida di prijs di gasolin cu Aruba mester a conoce e luna aki. Gasolin lo mester a subi cu 16.2 cen, pero Gobierno a yega na un acuerdo cu RDA pa absorba e subida aki pa e luna di april. Pues pa e luna di april Gobierno ta 'freeze,' ta mantene e prijs di gasolin na e nivel di e luna maart. Esaki ta necesario pa por caba cu e combersacionnan pendiente cu RDA pa asina por yega na un sistema nobo pa calcula e prijsnan di e benta di producto petrolero na Aruba. Asina cu esaki ta conoci, e mandatario lo brinda informacion pa asina Pueblo por ta na altura di e cambio aki. Un cos ta sigur, Gabinete Wever-Croes kier

yega na un manera pa calcula prijs cu ta mas beneficioso pa Pueblo di Aruba.

Pa e luna aki Aruba lo no bay conoce un subida di prijs di gasolin y esaki sigur ta un bon noticia cu ta trece alivio den cartera di Pueblo, e mandatario a expresa durante e Conferencia di Prensa semanal di Gobierno.




MINISTER GLENBERT CROES
Minister di Asunto Social y Labor

DAO TA COMPARTI E SIGUIENTE INFORMACION RIBA ARBEIDSLIJST (REGISTRO DI ORARIO DI TRABOW)

Kiko ta ensera un arbeidslijst?

Arbeidslijst of registro di orario di trabou ta un formulario obligatorio cu ta duna un bista di entre otro; funcionnan di e trahadonan, oranan di trabou y e periodo di descanso. Importante pa menciona ta cu e arbeidslijst ta solamente aplicabel pa e trahadonan cu ta cay bou di e Ordenansa Laboral 2013 (AB 2013 no. 14). E arbeidslijst mester wordo colga na un lugar accesibel y visibel pa e trahadonan.

Ki ora mester entrega un arbeidslijst?

E formulario aki mester wordo entrega na DAO den forma di un 'hard copy', na momento cu ta habri un compania (p.e. VBA, N.V., fundacion y éénmanszaak) y tin personal den servicio. Si DAO pidi un compania e arbeidslijst, e compania ta entrega esaki dentro di un siman na DAO. Na momento cu ta haci cambionan riba e arbeidslijst tin cu entrega uno di nobo yena hunto cu e arbeidslijst cu a wordo controla door di DAO. Esaki tambe mester tuma lugar dentro di un siman.

Con mi mester entrega un arbeidslijst?

E arbeidslijst yena ta wordo entrega door di e representante legal di e compania na DAO y ta haya un stempel di entrega. DAO ta controla si locual a yena riba e formulario ta conforme ley. E compania ta ricibi un notificacion di DAO pa busca e arbeidslijst.



Unda mi por haya e arbeidslijst?

Por download e arbeidslijst riba e website di DAO www.daoaruba.com of por pasa na DAO y pidi pa e formulario na recepcion. Pa mas informacion of cualkier pregunta por yama nos na 523-7720 y pidi pa un funcionario di Bureau Arbeidsinspectie of por manda nos un mail na arbeidsinspectie@aruba.gov.aw.



**TRAHADORNAN SOCIAL
TA CAMBIA MUNDO**

**Charla:
Diferente etapa
di desaroyo di
mucha**



Departamento di Asunto Social



Fecha

16 april 2019

Orario


7:00 pm – 9:00 pm

Luga

Enseñansa Pa Empleo

Engelandstraat 33

**Pa informacion/inscripcion, tuma
contacto cu bo trahado social/
terapista of Jesseline Kelly na telefon
528-1153 of manda un mail na
Jesseline.Kelly@dsz.gov.aw**


MINISTER DANGUI ODUBER
Minister di Turismo, Salud y Deporte

MINISTER DANGUI ODUBER TA ANUNCIA SR JOOST MEIJS COMO PROXIMO CEO DI AAA NV

Lo cuminsa e proceso pa busca un arubiano pa ocupa e funcion despues di Sr Meijs.

Recientemente sr James Fazio CEO di AAA NV a anuncia cu e no lo sigui mas como CEO di e compania y a opta pa bai bek merca. Manera ta conoci esaki tawata un decision personal di se Fazio cual sigur gobierno como accionista ta respeta.

Despues di varios conversacion cu Schiphol Group a tuma e decision di apunta sr Jos Meijs como e CEO nobo di AAA NV. E decision aki sigur no tawata uno facil considerando e hecho cu a yega e momento pa pais Aruba apunta un arubiano como CEO pa maneha nos aeropuerto.

Loke gobierno a palabra cu Schiphol ta cu esaki lo ta e ultimo biaha cu lo apunta un CEO cu no ta un Arubiano y cu di awor aki caba e proceso lo cuminsa pa busca e candidatonan arubiano cu por ocupa e funcion importante aki. Schiphol a bai di acuerdo cu esaki y nan lo percura pa duna tur e opleiding, training y preparacion necesario pa asina un yui di tera ta bon prepara pa ocupa e funcion aki.

Sr Jos Meijs ta un persona hopi experiencia y tin tur e capacidad pa maneha e proyecto Gateway 2030. Actualmente e ta CEO di e airport na Eindhoven y despues di esaki e lo sigui su carrera profesional na Aruba. Si tur cos cana segun planning na luna di september sr Meijs lo ta na Aruba pa cuminsa su labornan. Den sr Meijs aeropuerto ta haya un profesional cu lo tey la yuda pais Aruba y sigur sigui eleva nos aeropuerto.

Gobierno di Aruba kier a gradici sr Fazio pa su labornan y desea sr Fazio tur clase di exito. Alavez ta yama sr Meijs bon bini na Aruba.





GOBIERNO DI ARUBA

“ Porfin Aruba tin su
propio tugboat nobo
“Colorado”.

E inversion den e
tugboat aki tawata uno
di 13 miyon florin y ta
sumamente necesario
pa nos **turismo** y nos
no mester depende
mas di cada biaha
huur un tugboat cu
risico cu por afecta
nos turismo.”

#MINTVS
Cumpliendo cu Aruba



TURISMO Y
ECONOMIA

GABINETE WEVER-CROES

Minister Xiomara Ruiz -Maduro:

RECONOCIMIENTO NA GLORIA CROES PA TENE MEMORIA DI BETICO BIBO

Dialuna atardi Gobierno di Aruba a brinda un reconocimiento na sra. Gloria Croes pa su trabao inmenso pa tene memoria di nos Libertador Betico Croes bibo por medio di su buki 'Nos Libertador cu Determinacion' y su incansabel esfuersonan pa organisa actividad na Cas di Mayornan di Betico na Plaza Status Aparte na Santa Cruz pa asina Pueblo por haya sa mas di nos Libertador y su legado pa nos Pais.

Minister di Cultura Sra. Xiomara Ruiz-Maduro a gradici Gloria pa duna nos e oportunidad por medio di su buki pa sera conoci cu e historia di nos Libertador y su legado pa nos y nos yiunan. Su buki a ofrece nos tambe e conocimiento di e lucha cu a wordo hiba pa awe nos tin Pais. Danki Gloria pa tur bo trabao, esfuerso y amor demostra pa nos Pais.







eLearning Pilot Project

Inversion y innovacion den enseñansa ta tarea di cada ciudadano.

Nos muchanan ta esnan cu mester carga nos pais e dia di mañan, y cada un di nos tin un compromiso cu nan.



GOBIERNO DI *ARUBA*

“Pa economia di Aruba por lora nos mester
percura pa algun cosnan basico.
Den nan ta importante cu APA por conta cu
ekipo pa haci e trabou portuario mas eficiente.
Aruba awo tin su propio **tugboat “Colorado”**.
Un inversion aki di 13 miyon cu lo duna su
fruto na e **economia** di Aruba.”

#MINFEC
Pabien Aruba



GOBIERNO DI ARUBA

un
Feliz Dia

ISLAONLINE
PA INFORMACION
CORECTO Y BERDAD

Gabinete Wever-Croes